

Filemón

Pablo Filemo wame tiriquirore ojoa ducahye

¹Yũhũ Pablo, Jesucristo yaquiro yũhũ ijiri buhiri peresupũ ijiaja. Yũhũ, mari acayũro Jesu yaquiro Timoteo mehna mũhũre Filemore quehnoa dutiaja usã. Sa yegũ mũhũre ojoa ohoaja yũhũ, Pablo. Mũhũ usã cahĩgũ Cristo yere usã mehna dahradohogũ ijire mũhũ. ²Sa yena Jesu yequina mũhũ ya wũhũrũ cahmecoañequina gũhũre ojoa ohoaja yũhũ. Mari acayoro Jesu yacoro Apia gũhũre ojoa ohoaja yũhũ. Mari cahĩniquiro Arquipo gũhũre ojoa ohoaja yũhũ. Arquipo pehe usã yero saha Cristo yere yahuriquiro ijire. ³Sa yena Cohãcjũ mari Pacũ, mari pũhtoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa.

Filemo apequinare tiquiro cahĩnene, Cristore tiquiro wacũ tutuayere yahuahye Pablo

⁴⁻⁵Yũhũ acayũ Filemo, Cohãcjũre mũhũre sini basagũ mũhũre wacũgũ “Quehnoare”, niaja tiquirore. Cristore mũhũ cahĩgũ tiquirore mũhũ wacũ tutuagũ, apequina Cohãcjũ yequinare mũhũ cahĩgũ tũhou yũhũ. Sa yegũ Cohãcjũre “Quehnoare”, ni bucueaja. ⁶Mari ihcãno mehna Cristore wacũ tutuana ijiaja. Sa wacũ tutuagũ mũhũ ijigũ ohõ saha ni sini basaja Cohãcjũre. Jesucristo yequina ijina, pajiro quehnoañene cũonata mari. Tire quehnoano mũhũre masi peho dutigũ sini basagũ niaja Cohãcjũre. ⁷Yũhũ acayũ, yojopũre apequinare mũhũ cahĩgũ tũhogũ bucueaja yũhũ. Ijipihtiyequina Cohãcjũ yequinare quehnoano bucuegũ yeñohti mũhũ. Mũhũ sa yegũ tũhogũ bucueaja yũhũ.

Pablo Onésimore sini basahye Filemore

⁸⁻¹⁰Sa yegũ yojopũre Onésimore mũhũ cahacjũnore mũhũ quehnoano yeatire mũhũre sini basa duaja. Peresupũ yũhũ mehna tiquiro ijigũ Cristo yere yahuu yũhũ tiquirore. Tire tũhoro Cristore cahmedi tiquiro. Sa yero tiquiro Cohãcjũ yaquiro wahari. Sa waharo yũhũ macũ yero saha ijire. Sa yegũ yũhũ Pablo bucũ ijigũ Cristo yere yũhũ buheri buhiri peresupũ ijigũ mũhũre yahutja Onésimore mũhũ yeatire. Cristo buhe dutiro tiquiro cũrigũ ijiaja

yuhũ. Sa tiquiro cūrigu ijigu Onésimore mũhu yeatire dutioborigu ijiaja yuhũ. Sa niepegũta mũhũre dutisi yuhũ. Cahĩne mehna mũhũre yahutja, to punota.

¹¹Cristo yaquiro tiquiro ijiato pano Onésimo mũhu cahacjũno ijiro dahseatiquiro ijierari jiri. Mũhũre quehnoano yedoho masiedari jiri. Yojoꝛũ pūritare tiquiro mũhũre, yuhũ gũhũre quehnoano yedohoriquiro ijirota. Yojoꝛũre Cristo yaquiro ijiro ihyo ijiriquiro waro ijierare.

¹²Sa yegu yojoꝛũre tiquirore mũhũre wia tojogu niaja. Sa yegu tiquirore quehnoano piti caya mũhu. Tiquirore tutuaro cahĩaja.

¹³Quehnoañe buheyere yuhũ buheri buhiri peresupũ yuhũ ijiri watoa tiquirore yuhũre yedoho dutiboaya yuhũ tiquirore ohoeragu. Sa yegu yuhũ mehna tojoa dutiboaya yuhũ. Mũhu pehe yuhũre mũhu yedohoro basioeragũ tiquiro pehe mũhũre comesariquiro ijiboaya. ¹⁴Yuhũre yedohoboriquiro tiquiro ijiepegũta tiquirore mũhũre oho tojoaja. Mũhu pehe tiquirore “Pablo mehna tojoarĩña”, mũhu nigũ masigu yuhũ mehna tiquirore tojoa dutiboaya yuhũ. Yuhũ pehe “Yuhũ mehna cũña tiquirore”, ni dueraja mũhũre. Sa yegu tiquirore oho tojoraja.

¹⁵Tiquiro Onésimo meheñe decorigã mũhũre tiquiro duhti cãri bato pari turi mũhu mehna ijire. Cohãcjũ tiquiro cahmediro sahata mũhũre duhti cãri jiri tiquiro Cohãcjũ yaquiro tiquiro wahato saha, yuhũ tuhhotugũ. Sa yero pari turi mũhu mehna ijiro, sa ijiducurota mũhu mehna. ¹⁶Sa yero tiquiro yojoꝛũre cahacjũno ijierare. Cahacjẽna tiquina bui cjũno ijiriquiro ijire tiquiro, yuhũ ihñagũ. Yojoꝛũre tiquiro mũhu acayũro Jesu yaquiro ijire. Sa yegu tiquirore tutuaro cahĩaja. Mũhu pehe yuhũ yuhũoro tiquirore cahĩgũta. Mũhu sa cahĩdiquiro ijiro, cahacjũno ijieperota yojoꝛũre cahacjũno tiquiro ijiriro saha ijierare tiquiro. Tiquiro mũhu acayũro Jesucristo yaquiro ijire.

¹⁷Sa yegu yuhũre mũhu piti caboriro sahata Onésimo gũhũre quehnoano piti caya. Mũhu mehna cjũ yuhũ ijigũ tuhhotugu tiquiro gũhũre quehnoano piti caya mũhu. ¹⁸Sa yegu mũhũre sijoro saha tiquiro yeriquiro ijigũ mũhũre tiquiro wapamoriquiro ijigũ yuhũ pehe tire wapa yeitja. ¹⁹Yuhũ Pablo, yuhũ basi ahrire mũhũre yahu ojoautja: Yuhũ pehe wapa yeitja mũhũre. Mũhũre yuhũ buheri bato Cristo yaquiro wahagu ijipihtiye decori Cohãcjũ mehna ijiajũ ijire mũhu. Mũhũre yuhũ sa buheri bato mũhu gũhu yuhũre pajiro wapamorigũ ijiboaya. Mũhu sa ijiepegũta mũhũre wapa yeitja tiquiro wapamoñene. ²⁰Sa yegu yuhũ acayũ, yuhũ cahĩgu, mari pũhoro Cristo yaquiro ijire mũhu. Sa yegu Onésimore quehnoano piti caya. Cristo yaquiro ijigu yuhũ acayũ ijire mũhu. Sa yegu yuhũre quehnoano bucuegũ yeya.

²¹Ahri yuhũ yahurire quehnoano yegũta mũhu. Sa yegu yuhũ yahuri yuhũoro yegũta mũhu. Tire masigu mũhũre ojoa ohogu niaja. ²²Ahri gũhũre yahugũtja mũhũre. Mũsa caharũ yuhũ wahatire Cohãcjũre sini basañohti mũsa yuhũre. Mũsa sa sini basarire tiquiro yũhtiboaga. “Au”, tiquiro nigũ cahmeaja yuhũ. Sa yegu mũsa caharũ yuhũ esati tucũre quehnoyuya mũhu.

Pablo quehnoa duti bato tiahye Filemore

²³Epaфра mähare quehnoa dutire. Tiquiro pehe Cristo yere tiquiro yeri buhiri yähü mehna peresupü ijire. ²⁴Sa ye Marco, Aristarco, Dema, Luca mehna mähare quehnoa dutire. Cristo yere yähü buhegü tiquina pehe yähare yedohoyequina ijire.

²⁵Mari pähutoro Jesucristo mehna quehnoa dutiaja müsare. Tiquiro müsare quehnoano yerota.